

(**ciep banj 2**) guhbaenz le GohyoZ Fazcanjgvanh, gaemdawz mboengq seizgei youqgaenj he, haeujsim guh gensez, laemxsim maeuz hwnghat, dawznaek aeu vunz guh goek, hawj hwnghat ndaej dohdaengz doxdaengh lienzdaemh roengzbae, roengzrengz baujndei caeuq gaijndei gij gwndaenj beksingq, coihawj ndawbiengz goengbingz cingqngai, doihaeuj gaiq hong hawj Dangj raeuz engq rox gaemgienz engq ak gaemgienz caeuq ndaej ciengxlwenx maenhndei gvaq vunz, youq baihlaj hingzseiq moq ndaej baujndei caeuq hwnghat le yiengh sevei cuji miz gij daegsaek Cungguk.

Daengxhoih daegbied gangj daengz, youq ndaw duenh neix, Dangj raeuz daj saedsaeh moq caeuq aen daegdiemj seizdaih moq hwnjdin, dawzndei caeuq hwnghat Majgwzsw h cuji, gohyoz hoizdap le doengh roix vwndiz baeznaengz gvendaengz hwnqguh yiengh sevei cuji miz gij daegsaek Cungguk, lumjbaenz diuz roen hwnghat, duenhmbaek hwnghat, faenhhong giekbonj, rengznoengx hwnghat, aen canloz hwnghat, cwngei baujcingq, giekcoj dungjiy, gij canloz vaigyauh caeuq gozci, gij rengz lingjdauj caeuq gij rengz ingbaengh daengj, guhbaenz aen lijlnun diji yiengh sevei cuji miz gij daegsaek Cungguk, hawj Majgwzsw h cuji habngamj Cungguk caiq ndaej bonghyat baenaj. Dangj raeuz lingjdauj yinzminz gaijfang swhsiengj, laebsim guh baenaj, youq fuengmienh gaijgwz hailangh caeuq hawj sevei cuji yendaiva guhbaenz haujlai saeh hung, guk raeuz guhbaenz yiengh cienjbienq hungloet lizsij caengz miz gvaq he, couhwdg daj aen diji giva ginghci gig gyonjconz haenx cienj haeuj aen diji yiengh hawciengz ginghci sevei cuji gig miz rengzhoengh, daj fungsak bueng fungsak cienj daengz gizgiz yienghyiengh hailangh, guhbaenz baez cunghyoengq hungloet hab geiq haeuj lizsij he, couhwdg daj swnghcanjliz siengdoi doeklaeng yat daengz aen cunghliengh ginghci seiqgyaiq daihngai, guhbaenz baez bonghhamj hungloet doenghbaez caengz miz gvaq, couhwdg daj beksingq gwndaenj mbouj gaeuq daengz cunjdaej siujgangh, buet coh siujgangh dohdaengz, doihaeuj Cunnghvaz Minzcuz daj ndwn hwnjdaej daengz fouq hwnjdaej yiengh bonghyat hungmbwk neix. Cunnghgoz Gungcanjdangj caeuq yinzminz Cungguk baengh yiengh gamj guh gamj buk yiemzrwd naeuz hawj daengx seiqgyaiq rox, gaijgwz hailangh dwg aen banhfap cei youqgaenj gietdingh yiengh ndeirwix baenzbaih ngoenzlaeng aen Cungguk ciuhneix, diuz roen sevei cuji miz gij daegsaek Cungguk dwg diuz roen cingqdeng dazyinx Cungguk hwnghat hoenghhd, Cungguk yamq hung boeng cimh le seizdaih.

Daengxhoih gangj daengz, Cibbet Daih Dangj raeuz doxdaeuj, yiengh sevei cuji miz gij daegsaek Cungguk haeuj daengz seizdaih moq. Gij hong

youqgaenj Dangj raeuz bungz daengz, dwg guhbaenz faenhhong buekguh aen bak bi daih'it, haindu j bae guh faenhhong buekguh aen bak bi daihngai, gaenriengz aen moegbiu hungloet guhbaenz Cunnghvaz Minzcuz fukhwng hungmbwk laebdaeb byaij baenaj. Dangj raeuz lingjdauj yinzminz gag saeng gag ak, souj maenh cauhoq, cau ok le gij cwngeciu hungloet yiengh sevei cuji miz gij daegsaek Cungguk seizdaih moq.

Daengxhoih daegbied gangj daengz, gyoengq vunz Cunnghgoz Gungcanjdangj youz Siz Ginbingz dungzci lingxdaeuz daiyauj haenx, itloh aeu gij yienzleix giekbonj Majgwzsw h cuji caeuq gij saedsaeh Cungguk dox giethab, caeuq gij conzdungj vwnzva maenhndei Cunnghvaz dox giethab, seizseiz dawmaenh Mauz Cwzdung h Swhsiengj, Dwng Siujbingz Lijlnun, "Sam Aen Daiyauj" Cunnghau Swhsiengj, GohyoZ Fazcanjgvanh, laegdaeuj cunjgeiz caemhcai lailai yunghndei gij gingniemh lizsij daj Dangj raeuz laebbaenz doxdaeuj he, daj saedsaeh moq hwnjdin, cauhaeb le Aen Swhsiengj Sevei Cuiji Miz Gij Daegsaek Cungguk Seizdaih Moq Siz Ginbingz. Siz Ginbingz dungzci haeu laeg bae naemj caeuq gohyoz bae duenh le baenzroix vwndiz hungnaek doengh gij lijlnun caeuq sizcen gvendaengz aen saehnieb Dangj caeuq gukgya seizdaih moq hwnghat, lumjbaenz youq seizdaih moq aeu dingmaenh caeuq hwnghat yiengh sevei cuji miz gij daegsaek Cungguk lawz, baenzlawz dingmaenh caeuq hwnghat yiengh sevei cuji miz gij daegsaek Cungguk, hwnqguh aen guk ak yendaiva sevei cuji yiengh lawz, baenzlawz hwnqguh aen guk ak yendaiva sevei cuji, hwnqguh aen cwngdangj Majgwzsw h cuji ciengzgeiz gaemgienz yiengh lawz, baenzlawz hwnqguh aen cwngdangj Majgwzsw h cuji ciengzgeiz gaemgienz, doiq gij goqdaez hungnaek neix daezok baenzroix leixniemh moq swhsiengj moq canloz moq guenj guk cei biengz dwg baeznduj cauhaeb haenx, dwg bou youqgaenj haigoek laeb Aen Swhsiengj Sevei Cuiji Miz Gij Daegsaek Cungguk Seizdaih Moq Siz Ginbingz. Aen Swhsiengj Sevei Cuiji Miz Gij Daegsaek Cungguk Seizdaih Moq Siz Ginbingz dwg gij Majgwzsw h cuji aen Cungguk dangdaih, gij Majgwzsw h cuji ngeihci it sigij, dwg gij cei qndei ok laeng vwnzva Cunnghvaz caeuq cingsaenz Cungguk seizneix, guhbaenz le Majgwzsw h cuji caeuq gij saedsaeh Cungguk dox giethab caiq ndaej yatbongh baenaj. Dangj raeuz dinghlaeb Siz Ginbingz dungzci guhgoek Dangj cunnghyangh, guhgoek daengx Dangj, dinghlaeb aeu Aen Swhsiengj Sevei Cuiji Miz Gij Daegsaek Cungguk Seizdaih Moq Siz Ginbingz daej dazyinx, neix fanjyingi le gij simmuengh caezcaemh daengx Dangj daengx ginh daengx guk gak cuz yinzminz, yak bauj ndaej hwnghat gij saehnieb aen Dangj caeuq gukgya seizdaih moq, doihaeuj aen lizsij

Cunnghvaz Minzcuz fukhwng hungmbwk.

Daengxhoih naeuz, aen Dangj cunnghyangh aeu Siz Ginbingz dungzci guhgoek neix, yungh yiengh cingsaenz hungmbwk doi lizsij baenaj, yiengh cwngei damjeiq gamj guh, yiengh cwyin gamj dawz rapnaek, bae doengbuenz maeuzveh ndaw guk rog guk song aen daihbuenz, gvancez gij lijlnun giekbonj, loh sienq giekbonj, fanghloz giekbonj Dangj raeuz, doenglamx gij doucwngh hungmbwk, cunnghcwngh hungmbwk, saehnieb hungmbwk, loqsieng hungmbwk, dawmaenh aen cawjdiuh guhhong youq ndaw onjdingh gouz baenaj, okdaiz baenzroix fuengcim cwngecwz hungnaek, doi ok baenzroix guhfap hungnaek, doi bae guh baenzroix gaiq hong hungnaek, dwk hingz baenzroix fungyiemj nyaeknyex hungnaek, gaijgez le haujlai gij nanzdaez ciengzgeiz siengj gaijgez cix caengz ndaej gaijgez haenx, banh baenz le haujlai gij saehhung doenghbaez siengj banh cix caengz ndaej banh baenz haenx, doinyoengx gij saehnieb aen Dangj caeuq gukgya aeundaiej gij cwngeciu hab geiq haeu lizsij, miz ok gij bengwz doenghbaez caengz raen gvaq haenx.

Daengxhoih daegbied gangj daengz, Cibbet Daih Dangj raeuz doxdaeuj, youq dingmaenh Dangj raeuz lingjdauj gizgiz yienghyiengh fuengmienh, gij gienzvi caeuq yiengh gyonjcomz lingjdauj Dangj cunnghyangh ndaej daengz baujcingq rengzrwd, aen cidu diji Dangj raeuz lingjdauj yied daej yied ndei, gij fuengsik Dangj raeuz guh lingjdauj engq hab gohyoz, daengx Dangj swhsiengj fuengmienh engqgya doxdoengz, cwngei fuengmienh engqgya doxgiet, guhsaeh fuengmienh engqgya doengzyamq, Dangj raeuz engq rox bae lingjdauj cwngei, dazyinx swhsiengj, cujiz cunnghvunz, haucauh vunzlai. Youq cienzmienh yiemz haenq guenj Dangj fuengmienh, Dangj raeuz gij rengz gag bienq cinghseuq, gag guh caezcienz, gag gaij bienq ndei, gag bae daezsang haenx dem'ak yienhda, yiengh cingzgvang guenj Dangj cei Dangj soeng unq haenx ndaej daj goek niujcienj gvaqdaej, aen doucwngh fanj nduknaeuh ndaej hingz dingh caemhcai ndaej cienzmienh gya maenh, Dangj raeuz youq mwh muzlien bienq ndei ndawde engqgya rem'ak. Youq hwnqguh ginghci fuengmienh, gij ginghci guk raeuz hwnghat mingzyienj lai doxdaengh, doxhab, ndaej lienzdaemh, gij saedlig ginghci, saedlig gohgi, guklig cunnghab gukgya yat hwnj mbaek moq, gij ginghci guk raeuz yamq hwnj diuz roen hwnghat caetliengh engq sang, engq miz yauqlwd, engqgya goengbingz, engq ndaej lienzdaemh, engqgya ancienz. Youq cienzmienh gyalag gaijgwz hailangh fuengmienh, Dangj raeuz mboujduenh doinyoengx gij hong cienzmienh gyalag gaijgwz haeu laeg haeu gvangq, aen cidu sevei cuji miz gij daegsaek Cungguk engqgya cingzsg engqgya dingh-

yiengh, aen diji caeuq gij naengzlig cei hleix gukgya engq hab yiengh guhfap ciuh neix, gij saehnieb aen Dangj caeuq gukgya caiq fat ok rengzhoengh rengzmoq. Youq hwnqguh cwngei fuengmienh, gaenxmaenx hawj yinzminz minzcuj ronzoeng gukbyai, cienzmienh doihaeuj yiengh minzcuj cwngei sevei cuji guk raeuz baenz cidu, hab gveihfan, miz bouhloh, gij ndeicawq yiengh cwngei cidu sevei cuji miz gij daegsaek Cungguk ndaej engq ndei langh okdaej, aen cwngei gizmen sengdoengh hozboz, andingh doxgiet neix ndaej gyamaenh caeuq hwnghat. Youq cienzmienh ciuqfap guenj guk fuengmienh, aen fapceih diji sevei cuji miz gij daegsaek Cungguk mboujduenh laeb caezcienz, hwnqguh aen Cungguk fapceih yamq ok yamqdin maenhsaeh, gij bonjsaeh Dangj raeuz yungh fapceih daej lingjdauj caeuq cei hleix gukgya ndaej dem'ak yienhda. Youq hwnqguh vwnzva fuengmienh, gij hingzseiq aen lingjiyis yisiz hingzdai guk raeuz ndaej daj daengxbuenz, daj goekgaen bae cienjbienq, daengx Dangj daengx guk gak cuz yinzminz engqgya gagsaeng vwnzva bonjfaenh, daengx biengz engq rox comzgiet caeuq engq rox gaenriengz, vih seizdaih moq haicauh gij yiengh moq saehnieb Dangj caeuq gukgya daezhawj le swhsiengj baujcingq rengzrwd caeuq cingsaenz ligliengh hung'ak. Youq hwnqguh ndawbiengz fuengmienh, gij gwndaenj yinzminz fuengfueng mienhmienh cunj ndaej gaijndei, cei hleix ndawbiengz miz vunzbiengz caeuqfaenh, ciuq fap bae guenj, guhbaenz cinwngz, bienq ciennieb doengh fuengmienh neix ndaej daezswng gig lai, aen gizmen ndei yinzminz an'onj gvaq saedceij, ndawbiengz andingh mbouj luenh haenx ndaej hwnghat, hawj ndawbiengz ciengzgeiz onjdingh gienh saeh mbouj yungzheih neix itcig swnj guh roengzbae. Youq hwnqguh swnghdai vwnzmingz fuengmienh, Dangj cunnghyangh roengz gij rengz hung doenghbaez caengz miz gvaq bae ca gaiq hong cauhaeb swnghdai vwnzmingz, hwnqguh aen Cungguk gyaundeij yamq ok yamqdin hungnaek, gukgya raeuz baujhoh swnghdai vanzging mizok yiengh bienqvaq doenghbaez caengz miz gvaq, gaeng cienj ndei, daengxbuenz caez bienq haenx. Youq hwnqguh gozfangz caeuq bingdoi fuengmienh, bingdoi yinzminz ndaej daj cingjdaej daj goekgaen caiqcauh, dauqcungz coih ndei caiq hwnjdin, saedlig gozfangz caeuq saedlig ginghci caez ndaej ak, bingdoi yinzminz laemxsim raphwnj diuz rap seizdaih moq, yungh gij cingsaenz haenqmengx buekhoenx caeuq saedsaeh hengzdoengh henho le gij cawjgienz, ancienz, leih'ik hwnghat gukgya. Youq henho gukgya ancienz fuengmienh, gukgya ancienz ndaej gyaak dohcaez, ding ndaej hwnj gij fungyiemj diuhcan oklaeng cwngei, (**cienj banj 4**)